

Еуразия экономикалық қоғамдастығына мүше мемлекеттердің экспорттық бақылауының бірыңғай тәртібі туралы келісімді жасасу туралы

Қазақстан Республикасы Үкіметінің 2003 жылғы 24 қазандағы N 1075 қаулысы

Қазақстан Республикасының Үкіметі қаулы етеді:

1. Еуразия экономикалық қоғамдастығына мүше мемлекеттердің экспорттық бақылауының бірыңғай тәртібі туралы келісімнің жобасы мақұлдансын.

2. Қазақстан Республикасы Премьер-Министрінің орынбасары Саят Мұхаметбайұлы Мыңбаевқа келісім жобасына қағидаттық сипаты жоқ өзгерістер мен толықтырулар енгізуге рұқсат берे отырып, Қазақстан Республикасының Үкіметі атынан Еуразия экономикалық қоғамдастығына мүше мемлекеттердің экспорттық бақылауының бірыңғай тәртібі туралы келісімді жасасуға өкілеттік берілсін.

3. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Жоба

Еуразия экономикалық қоғамдастығына мүше мемлекеттердің экспорттық бақылауының бірыңғай тәртібі туралы КЕЛІСІМ

Бұдан әрі Тараптар деп аталатын Еуразия экономикалық қоғамдастығына (ЕурАЗЭҚ)
) мүше мемлекеттердің Үкіметтері,

Еуразия экономикалық қоғамдастықты құру туралы 2000 жылғы 10 қазандағы шартқа, Кеден одағы мен Бірыңғай экономикалық кеңістік туралы 1999 жылғы 26 ақпандың шартқа және Кеден одағын қалыптастыру кезінде тарифтік емес реттеудің бірыңғай шаралары туралы 1997 жылғы 22 қазандағы келісімге негіздей отырып,

бірыңғай экономикалық және кедендік кеңістіктің тиімді жұмыс істеуі үшін қолайлы жағдайлар жасауға үмтыта отырып,

бір бірімен және үшінші мемлекеттермен теңдестірілген, өзара тиімді сауда және ғылыми-техникалық байланыстарды дамытуға жәрдемдесуді ниет ете отырып,

жаппай қырып-жою қаруы мен оны зымырандық жеткізу құралдарын таратпау қағидаттарына өз үстанымын растай отырып,

ұлттық мұдделер мен өз мемлекеттерінің қауіпсіздігін қорғауды қамтамасыз етудің қажеттілігінен көріне отырып,

мыналар туралы келісті:

1-бап

Тараптар өз мемлекеттерін де жаппай қырып-жою қаруы мен оны зымырандық жеткізу құралдарын, өзге де қару-жараптар мен әскери техника түрлерін (бұдан әрі - экспорттық бақылауға жататын тауарлар мен технологиялар) жасау кезінде пайдаланылуы мүмкін шикізаттардың, материалдардың, жабдықтардың, технологиялар мен қызметтер көрсетудің жеке түрлеріне қатысты сыртқы экономикалық қызметті реттейтін үйлестірілген нормалар мен ережелердің жиынтығын және осы нормалар мен ережелері біркелкі қолданылуын өзіне қамтитын экспорттық бақылаудың бірынғай тәртібін белгілеуді қамтамасыз етеді.

2-бап

Тараптар осы Келісімге және өз мемлекеттерінің заңнамасына сәйкес жаппай қырып-жою қаруын және оны зымырандық жеткізу құралдарын таратпау, сондай-ақ экспорттық бақылау саласындағы халықаралық шарттар бойынша өз мемлекеттерінің міндеттемелері үшін зиянсыз экспорттық бақылаудың бірыңғай тәртібін іске асыруды қамтамасыз етеді.

Тараптар экспорттың бақылауды жүзеге асыруға уәкілетті өз мемлекеттерінің органдарын (бұдан әрі - Тараптардың уәкілетті органдары) айқындайды және бұл туралы басқа Тараптарды осы Келісімнің депозитарийлары арқылы хабардар етеді.

3-бап

Экспорттық бақылаудың халықаралық режимдерін реттейтін, халықаралық шарттардың талаптарына сәйкес келетін, экспорттық бақылауға жататын тауарлар мен технологиялардың үлгілік тізімдерін ЕурАЗЭҚ-тың Интеграциялық Комитеті өзірлейді және оларды үкімет басшылары денгейіндегі ЕурАЗЭҚ-тың Мемлекетаралық Кеңесі бекітеді.

Тараптар лицензиялау немесе мемлекеттік реттеудің өзге де нысанын, сондай-ақ ЕурАЗЭК-қа мүше мемлекеттердің аумағынан тысқары шығарылатын тауарлар мен технологияларды кедендейтін бақылау мен кедендейтін реттеудің үлгілік тізімдерге енгізілген тауарлар және технологиялармен сыртқы экономикалық операцияларды жүзеге асырудың рұқсат ету тәртібін белгілеуді қамтамасыз етеді.

4-бап

Тараптар сыртқы экономикалық қызметтің қатысушыларының осы тауарлар мен технологиялар жаппай қырып-жою қаруы мен оның зымырандық жеткізу құралдарын жасау кезінде пайдаланылуы мүмкін деп болжам жасауға негіздері болса, не осы

туралы Тараптардың уәкілетті органдары немесе өз мемлекеттерінің өзге де құзыретті органдары хабардар етілсе, ұлгілік тізімдерге енгізілген тауарлар және технологиялармен сыртқы экономикалық операцияларды жүзеге асыруға рұқсат ету тәртібін белгілеуді қамтамасыз етеді.

5-бап

Тараптар ұлттық қауіпсіздікті қамтамасыз ету мақсатында осы Келісімнің 3 және 4-баптарында көрсетілмеген тауарлар мен технологиялардың сыртқы экономикалық операцияларын жүзеге асыруға рұқсат ету тәртібін енгізуі мүмкін.

Осы ретте, осындай шектеу шараларын енгізу туралы шешім қабылдаған Тарап осы Келісімнің депозитарийлары арқылы басқа Тараптарды осы туралы хабардар етеді.

6-бап

Экспорттық бақылауға жататын (әкетуге рұқсат берілген) тауарлар мен технологияларды әкетумен байланысты сыртқы экономикалық операцияларды жүзеге асыруға рұқсаттарды мемлекеттің аумағы олар үшін осы мемлекеттің заңнамасымен белгіленген тәртіппен тұрақты орналасқан жер (тұрғылықты жер) болып табылатын Тараптың уәкілетті органы сыртқы экономикалық қызметтің қатысуышы береді.

Экспорттық бақылауға жататын тауарлар мен технологияларды ЕурАЗЭҚ-қа мүше мемлекеттердің аумағынан тысқары әкетуге рұқсат беру туралы өтінімге оның аумағынан осындай әкетуді жүзеге асыру болжанатын ЕурАЗЭҚ-қа мүше мемлекетті көрсете отырып, экспорттық бақылауға жататын тауарлар мен технологиялардың шығу елін күйеландыратын құжаттар қоса беріледі.

Басқа Тарап мемлекеті аумағынан жүзеге асырылатын экспорттық бақылауға жататын тауарлар мен технологияларды ЕурАЗЭҚ-қа мүше-мемлекеттердің аумағынан тысқары шығаруға рұқсат берген кез келген Тараптың уәкілетті органы осындай рұқсаттың берілгені туралы сол басқа Тараптың уәкілетті органын хабардар етуге тиіс.

Тараптар шығу елі басқа Тарап мемлекеті болып табылатын экспорттық бақылауға жататын тауарлар мен технологияларды ЕурАЗЭҚ-қа мүше мемлекеттердің аумағынан тысқары шығаруға рұқсаттарды осы басқа Тараптың уәкілетті органының жазбаша рұқсатының беруге құқығы жоқ.

Экспорттық бақылауға жататын тауарлар мен технологиялардың шығу елі Тәуелсіз Мемлекеттер Достастығы шеңберінде қабылданған тауарлардың шығу елін айқындау ережелеріне сәйкес айқындалатын болады.

7-бап

Экспорттық бақылауға жататын тауарлар мен технологияларды ЕурАЗЭҚ-қа мүшө мемлекеттердің аумағынан тысқары шығаруға рұқсат беру туралы шешімдерді қабылдау кезінде Тараптардың уәкілетті органдары мыналарды:

жаппай қырып-жою қаруын және оны зымырандық жеткізу құралдарын таратпау, сондай-ақ экспорттық бақылау саласындағы өз мемлекеттерінің халықаралық міндеттемелерін;

ұлттық қауіпсіздік мұдделерін;

көрсетілген тауарлар мен технологияларды пайдалану мақсатын;

жаппай қырып-жою қаруын және оны зымырандық жеткізу құралдарын тарату қаупімен байланысты тәуекелдерді;

өз мемлекеттерінің заңнамаларында көзделген өзге де факторларды есепке алады.

8-бап

Экспорттық бақылауға жататын тауарлар және технологиялармен сыртқы экономикалық операцияларды жүзеге асыру үшін бақылау тәртібіне жалпы талаптарын және оларды әкелуге берілген рұқсаттың бірыңғайландырылған нысанын ЕурАЗЭҚ-тың Интеграциялық Комитеті осы Келісім күшіне енген күннен бастап бір жыл ішінде Тараптардың ұсыныстары негізінде әзірлейді және оны үкімет басшылары деңгейінде ЕурАЗЭҚ Мемлекетаралық Кеңесі бекітеді.

Тараптар өз мемлекеттерінің заңнамаларын Экспорттық бақылауға жататын тауарлар және технологиялармен сыртқы экономикалық операцияларды жүзеге асыру үшін бақылау тәртібіне жалпы талаптармен сәйкес келтіруді және оларды әкелуге берілген рұқсаттың бірыңғайландырылған нысанын енгізуі олар бекітілген күннен бастап алты ай ішінде қамтамасыз етеді.

9-бап

Кез келген тараптың уәкілетті органы әкетуге берген рұқсат ЕурАЗЭҚ-қа мүшө барлық мемлекеттердің аумағында әрекет етеді.

Тараптар осы Келісімнің депозитарийлары арқылы әкетуге рұқсатқа қол қоюға уәкілетті лауазымды тұлғалардың тізімдерімен, сондай-ақ мұндай рұқсаттар куәландырылатын қолдардың және мөрлер бедерлерінің үлгілерімен алмасады.

10-бап

Әрбір Тараптың уәкілетті органы өз мемлекетінің ұлттық заңнамасында көзделген негізде экспорттық бақылауға жататын тауарлар және технологияларды әкетуге рұқсат беруден бас тартуға, сондай-ақ оларға берілген рұқсаттың шартты күшін жоюға, тоқтата тұруға немесе өзгертуге құқылы.

Басқа Тараптың аумағында жүзеге асыру болжалынған экспорттық бақылауға жататын тауарлар мен технологияларды ЕурАЗЭҚ-қа мүше мемлекеттердің аумағынан тысқары шығаруға берілген рұқсаттарды жою, сондай-ақ мұндай рұқсаттардың әрекет ету шарттарын тоқтату немесе өзгерту туралы шешім қабылдаған әрбір Тараптың уәкілетті органы сол басқа Тараптың уәкілетті органын бұл жөнінде хабардар етеді.

11-бап

ЕурАЗЭҚ-қа мүше мемлекеттердің аумағынан әкетілетін экспорттық бақылауға жататын тауарлар және технологияларды кедендік ресімдеу және кедендік бақылау ЕурАЗЭҚ-қа мүше мемлекеттердің кеден ісі туралы заңнамасына сәйкес жүзеге асырылады. Бұл ретте мұндай тауарлар мен технологияларға кедендік ресімдеу өткізуіндің қажетті шарты кез келген тараптың уәкілетті органы әкетуге берген рұқсат
б о л ы п т а б ы л а д ы .

Кедендік ресімдеуді өткізу кезінде сыртқы экономикалық қызметтің қатысушысы әкетуге рұқсаттың кедендік ресімдеу жүзеге асырылатын мемлекет аумағындағы ЕурАЗЭҚ-қа мүше елдің мемлекеттік тілінде куәландырылған аудармасын ұсынады.

12-бап

Әрбір Тараптың уәкілетті органы әкетуге рұқсатты ресімдеу кезінде осы Келісімнің 7-бабында көрсетілген факторлар толық көлемде есепке алынбаған немесе осы Келісімнің 6-бабында көзделген шарттың орындалмаған белгілері болса экспорттық бақылауға жататын тауарлар мен технологияларды өз мемлекеттің аумағынан ЕурАЗЭҚ-қа мүше елдердің аумағынан тыс шығаруын тоқтата тұруға құқылы. Бұл ретте әкетуге рұқсат берген Тараптың уәкілетті органымен ол осы Келісімнің 10-бабына сәйкес шаралар қабылдауы үшін консультация жүргізілуі тиіс.

Егер әкетуге рұқсат берген Тараптың уәкілетті органы оны күшінде қалдыrsa, экспорттық бақылауға жататын тауарлар мен технологияларды ЕурАЗЭҚ-қа мүше елдердің аумағынан тысқары шығару, Тараптың уәкілетті органы әкету жүзеге асырылатын мемлекет аумағынан осы баптың үшінші бөлігінде көзделген әрекеттерді қабылдау құқығын пайдаланған жағдайларды қоспағанда, дереу жүзеге асырылады.

Кез келген Тараптың уәкілетті органы егер мұндай әкету ұлттық мұдделерге зиян келтіруі мүмкін болса не жаппай қырып-жою қаруы мен оны жеткізуін зымырандық құралдарын таратпау, сондай-ақ экспорттық бақылау саласындағы халықаралық міндеттемелерге қайшы келетін болса, келесі Тараптың уәкілетті органы әкетуге берген рұқсаттың тіпті тиісінше ресімделуі болуы кезінде де экспорттық бақылауға жататын тауарлар мен технологияларды әкетуге кедергі жасауға құқылы. Бұл ретте экспорттық бақылауға жататын тиісті тауарлар мен технологиялар оларды әкетуді жүзеге асыруды жоспарлаған сыртқы экономикалық қызмет қатысушысының қарамағында қалады, ал

әкетуге рұқсат берген Тараптың уәкілетті органы қабылданған әрекеттер туралы дереу хабарлануы тиіс.

13-бап

Экспорттық бақылауға жататын тауарлар мен технологиялар ЕурАЗЭҚ-қа мүше бір мемлекеттің аумағынан ЕурАЗЭҚ-қа мүше екінші мемлекеттің аумағына еркін орналасады.

Экспорттық бақылауға жататын тауарлар мен технологиялардың жекелеген түрлеріне қатысты кез-келген Тарап өздерінің ұлттық заңнамаларына сәйкес өз мемлекеттің аумағынан ЕурАЗЭҚ-қа мүше басқа мемлекеттердің аумағынан өтуге шектеулерді мыйнадай:

бұл халықаралық шарттар мен жаппай қырып-жою қаруы мен оларды жеткізу дің зымырандық құралдарын таратпау, сондай-ақ экспорттық бақылау саласында халықаралық шарттар бойынша міндеттемелерді орындау үшін не өз мемлекеттің ұлттық қауіпсіздігін қамтамасыз ету үшін қажет;

олардың соңғы баратын жері ЕурАЗЭҚ-қа мүше мемлекеттер аумағынан тысқары орналасқаны белгілі болған жағдайда енгізеді.

Осы бапқа сәйкес шектеулерді енгізетін шешімді қабылдаған Тарап осы Келісімнің депозитарийлары арқылы бұл туралы басқа да Тараптарды хабардар етуі тиіс.

14-бап

Тараптар осы Келісімнен туындайтын міндеттерді орындауды қамтамасыз ететін тиісті шаралар қабылдауды.

Осы мақсатта әрбір Тарап өз уәкілетті органдарына тиісті өкілдік береді, сондай-ақ экспорттық бақылау саласындағы өз мемлекеттің заң бұзушылықтың нақты түрлеріне жауапкершілік белгілеу үшін қажетті әрекет жасайды.

Тараптар экспорттық бақылау саласындағы өз мемлекеттерінің заң бұзушылықтарын айқындауға және жолын кесуге ынтымақтасады және бір біріне жәрдем көрсетеді.

15-бап

Тараптар экспорттық бақылау саласында ақпараттар алмасу мақсатында сарапшылар деңгейінде, оның ішінде осы Келісімді орындау үшін қабылданған ұлттық нормативтік құқықтық кесімдер туралы ұдайы консультациялар жүргізеді.

16-бап

Әрбір Тарап ЕурАЗЭҚ-қа мүше мемлекеттер аумағынан тысқары экспорттық бақылауға жататын тауарлар мен технологияларды әкету туралы ақпараттың

құпиялығын қамтамасыз етеді. Мұндай ақпаратты тек қана экспорттық бақылауды жүзеге асыру мақсатында Тараптар қолданады және экспорттық бақылаудың халықаралық режимін реттейтін халықаралық шарттар да көзделген жағдайда ғана осы Келісімге қатысуши болып табылмайтын мемлекеттерге берілетін болады.

Қандай да бір Тараптың оған осы Келісімнің шеңберінде берілген ақпараттарды үшінші тарапқа беруі мұндай ақпарат берген Тараптың келісімі бойынша ғана жүзеге асырылуы мүмкін.

17-бап

Осы Келісімге жекелеген Хаттамалармен ресімделетін, осы Келісімнің 21-бабына сәйкес күшіне енетін Тараптардың өзара келісімі бойынша өзгерістер мен толықтырулар енгізілуі мүмкін.

18-бап

Осы Келісімді түсіндіруге және/немесе қолдануға байланысты келіспеушіліктер мұдделі Тараптардың консультациялар мен келіссөздер жүргізуі жолымен шешіледі.

19-бап

Осы Келісімнің әрекеті қару-жараққа және әскери техникаға, сондай-ақ әскери мақсаттағы өзге де өнімдерге қатысты Тараптардың сыртқы экономикалық қызметіне қолданылмайды.

20-бап

Кез келген Тарап одан шыққанға дейін өзінің ниеті туралы алты айдан кешіктірмей депозитарийге жазбаша хабарлама жібере отырып, осы Келісімнен шыға алады.

Осы Келісімнің депозитарий ЕураАЗЭҚ-тың Интеграциялық комитеті болып табылады.

21-бап

Осы Келісім ЕураАЗЭҚ-тың бірыңғай кедендік аумағын құру туралы халықаралық шарттың күшіне енген күнінен бастап күшіне енетін осы Келісімнің 9-бабының бірінші бөлігінен, 10-бабының, 11-13-баптарының екінші бөлігінен басқа, оның күшіне енүіне қажетті мемлекетішілік рәсімдерді Тараптардың орындағандығы туралы депозитарий бесінші хабарды алған күнінен бастап күшіне енеді.

жылғы " " орыс тілінде бір түпнұсқа данада жасалды. Түпнұсқа данасы, осы Келісімге қол қойған әрбір Тарапқа оның көшірмесін жіберетін ЕурАЗЭК-тың Интеграциялық комитетінде сақталады.

Беларусь Республикасының

Үкіметі үшін

Қазақстан Республикасының

Үкіметі үшін

Қыргыз Республикасының

Үкіметі үшін

Ресей Федерациясының

Үкіметі үшін

Тәжікстан Республикасының

Үкіметі үшін

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК